

«Հայաստանի ազգային հարստությունը ոչ թե հանքերն են, այլ կրթօջախները»: Առաջնորդվելով այս սկզբունքով՝ Հայաստանի հաշվապահների ասոցիացիան հայտարարում է անվանական կրթաթոշակի մրցույթ, որին կարող են հավակնել ՀՊՏՀ ֆինանսատնտեսագիտական քոլեջի «Հաշվապահական հաշվառում» մասնագիտությամբ 3-րդ կուրսի ուսանողները, որոնք չեն հանդիսացել նախորդ կիսամյակի կրթաթոշակի շահառու, չունեն աշխատանքային զբաղվածություն, ունեն մեծ ցանկություն Հայաստանի հաշվապահների ասոցիացիայում կամ ասոցիացիայի գործընկեր գրասենյակներում կառուցելու իրենց աշխատանքային կարիերան հաշվապահական ոլորտում և զարգացնելու ոլորտը Հայաստանում:

Կրթաթոշակի նպատակն է խրախուսել բարձր առաջադիմությամբ ուսանողներին և հաշվապահների մասնագիտական-սոցիալական պատասխանատվության բարձրացմամբ նպաստել Հայաստանում հաշվապահական և հարկային հաշվառման զարգացմանը:

Կրթաթոշակի շահառուները կստանան՝

- դրամական խրախուսում՝ ամսական 20 000 ՀՀ դրամ,
- անվճար մասնակցության հնարավորություն Հայաստանում ոլորտի լավագույն մասնագետների կողմից անցկացվող սեմինարներին,
- պրակտիկայի, հետազայում նաև աշխատանքի առաջարկ ստանալու իրական հնարավորություն ինչպես Հայաստանի հաշվապահների ասոցիացիայում, այնպես էլ՝ ասոցիացիայի գործընկեր գրասենյակներում, այդ թվում՝ մարզային 34 քաղաքներում:

Կրթաթոշակի շահառու ճանաչման պայմաններն են՝

- բարձր առաջադիմություն (կիսամյակային առաջադիմության միջինացված գնահատական՝ 16.1 և բարձր),
- հանձնաժողովի կողմից կազմակերպված հարցազրույցի հաջող հաղթահարում:

Ցանկացողները պետք է մինչև 2024 թ. հունվարի 26-ը ներառյալ գրանցվեն [հետևյալ հղումով](#):